



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorm Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

Concilium Nemavsense In Villa Portv. Adversus Selvam Clericvm Hispanvm, qui archiepiscopatum Narbone[n]sem affectabat, a Theodardo archiepiscopo celebratum XV. Kalendas Decembris, sub annum Christi ...

urn:nbn:de:hbz:466:1-15967

ANNO
CHRISTI
....

SYNODVS LANDAVENSIS
SVB CIVEILLIAVC XXII.

LANDAVIÆ EPISCOPO.

Aduersus Brochvail regem congregata.

SCIENDVM est quod discordia facta est inter vtramque familiam Ciueilliauc episcopi & Brochvail filii Mouric apud Landauiam: & facta iniuria & incœpta a familia Brochvailli, motus est episcopus, & congregauit omnes clericos vsque ad inferiores gradus, missis legatis per totam parochiam infra ostium Taratyr in Gui vsque ad ostium Tyui. Et adunatis illis, voluit Brochvaillum & totam familiam suam sibi forisfactam, & Deo exosam, propter suam nequitiam & iniuriam excommunicare coram omni populo in plena Synodo.

Et audiens Brochvail tantam summonitionem super se, quæsuit veniam & indulgentiam apud Landauiam: nec aliter habere potuit nisi sufferet canonicum iudicium. Et discussio iudicio, iudicatum est episcopo precium faciei suæ longitudine & latitudine in puro auro, cum emendatione faciendæ familiæ suæ ad condignum honorem suum, & nobilitatem parentelæ suæ. Et rex Brochvail iudicium sufferre non potuit, & alio modo aurum redemit, largiendo Deo & sanctis Dubricio, Teliauo, & Oudoceo, & in manu Ciueilliauc episcopi villam *Tref Peren* cum sex modis terræ, &c.



ANNO
CHRISTI
886.

CONCILIVM NEMAVSENSE
IN VILLA PORTV.

ADVERSVS SELVAM CLERICVM HISPANVM,
qui archiepiscopatum Narbonensem affectabat, a Theodardo archiepiscopo celebratum xv. Kalendas Decembris, sub annum Christi DCCCXXCVI.

EX monumentis ecclesiæ Narbonensis constat, Theodardum post susceptum anno DCCCXXCV. pontificatum, Romam mox adisse ad Stephanum V. papam, ab eoque pallium impetrasse, &c.

Concil. Tom. 24.

Bbbb ij

*litteras contra Seluam quemdam, genere Hispanum, qui pro archiepi-
scopo se gerebat. Quæ autem cogendæ aduersus illum Synodi causa
fuerit, & quoniam eo antistites conuenerint, docent ex iisdem monu-
mentis excerpta quæ sequuntur.* Selua clericus Hispanus, qui se
archiepiscopum fecerat, eiectione Ingoberto Vrgellitano
episcopo, qui a Sigebodo fuerat consecratus, in Gerun-
denfi etiam ecclesia pro Seruo Dei, quem Theodardus or-
dinarat, alium constituit nomine Ermemirum, quem or-
dinarunt cum Selua Frodoinus Barcinonensis, & Gotma-
rus Aufonensis episcopi. Ergo ordinatores ad se venire ius-
sit beatus Theodardus. Cum venire detrectarent, Syno-
dum suæ prouinciæ ad xv. Kalendas Decembris indixit in
villa quæ Portus dicitur, sita inter Magalonem & Nemausum.
Aduocauit & Prouinciæ episcopos. Adfuerunt autem
Rostagnus Arelatensis, Matfridus Aquensis, Ermaldus
Ebredunensis archiepiscopi, & cum eis Paulus Aptensis,
Berengarius Massiliensis, & alii. Adfuit & venerabilis
Theodardus habens secum Guilbertum Nemausensem,
Gislerannum Carcafonensem, Elegium Albiensem, Ame-
lium Vceticensem, Abbonem Magalonensem, Bosonem
Agathensem, Agilbertum Biterrensem, Riculfum Hele-
nensem, Gotmarum Aufonensem, Ingobertum Vrgellen-
sem, Seruum Dei Gerundensem, Bernardum Tolosanum,
& Macarium Lutouensem. In hoc Concilio Gotmarus
veniam petiit, a Sinuario comite se inductum causatus. *Et
post alia.* Contra Seluam vero & socios, episcopi, qui Con-
cilio aderant, Stephani papæ anathema renouarunt, nisi
ante quadragesimam satisfacerent. Ad Sinuarium quo-
que comitem missa legatio, Gotmaro deferente, & beni-
gne suscepta est. Cum enim omnia quæ gesta fuerant au-
diisset, regionis primarios conuocauit. adfuit etiam acci-
tus Theodardus cum aliquot episcopis in ecclesia sanctæ
Mariæ Vrgellæ. Ibi Seluam iuxta Canones, quia se extra
metropolitani sui consensum ordinari fecerat, & Ermemi-
rum degradarunt, scissis episcopalibus indumentis, baculis
eorum super eorum capita contractis, annulis cum dede-
core a digitis euulsis; Frodoino Barcinonensi uenia, quam
humiliter postulabat, concessa. Ita Narbonem reuersus est
victor Theodardus.

ANNO
CHRISTI
886.

NOTA IACOBI SIRMONDI
SOCIETATIS IESV.

¹ *Concilium in villa Portu.*] In iisdem Narbonensibus schedis aliud etiam memoratur Concilium Tolosæ a Sigebodo metropolitano aliquot ante annos habitum Iudæorum causa, qui se durius tractari querebantur, aduersus Bernardum Tolosanum episcopum, in eoque Concilio confutatos atque conuictos fuisse Iudæos a Theodardo nondum episcopo.

ANNO
CHRISTI
887.

CONCILIVM COLONIENSE
CONTRA RAPTORES RERVM ECCLESIASTICARVM,
oppressores pauperum, & incestas nuptias, celebra-
tum anno Domini DCCCLXXXVII. tempore Step-
hani papæ V.

TITVLI CAPITVLORVM.

- | | |
|--|---|
| I. De Drogone prius electo episcopo Mimidonensi, nunc confirmato. | decretis. |
| II. Anathema in schismaticos & raptores ecclesiarum, ni resipiscant. | IV. Ne quis res aut iura ecclesie usurpet. |
| III. Standum esse antiquis patrum | V. De æquitate horum decretorum. |
| | VI. De adulteris, & incestis. Tum de monialibus vitiatis. |

PRÆFATIO.

ANNO incarnationis Domini nostri Iesu Christi, octingentesimo octogesimo septimo in ecclesia beati Petri apostolorum principis, indictione tertia, Kalendis Aprilis, conuenerunt in vrbe Agrippinensi vna cum consensu gloriosissimi imperatoris Caroli, & Moguntinæ sedis Luidberti archiepiscopi, Villibertus humilis eiusdem præfate vrbis archiepiscopus, Franco Tungrensis sedis episcopus, Odilbaldus Traiectensis sedis episcopus, Vulfelinus Mimigarnafurdensis ecclesiæ episcopus, Drogo Mimidonensis ecclesiæ episcopus, cum consensu venerabilis Rimberti episcopi, præsentibus etiam bonæ deuotionis abbatibus Neuolongo Indensis monasterii abbate, Andulfo Vverdinensis monasterii abbate, Folchario Aquisgrani palatii abbate, cum præfatarum sedium presbyteris & diaco-

Bbbb iij